



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Forma abiura[n]di omne[m] h[a]eresim generaliter ab eo qui est
suspectus habitus de h[a]eresi viole[n]ter.

urn:nbn:de:hbz:466:1-13589

omnes ecclesias illius ciuitatis, vel loci, in quo facta est abiuratio antedicta, suspendendo omnes sermones ciuitatis, vel loci pro die illa ad abiurationem huiusmodi assignata, & monebitur populus in ecclesijs antedictis, quod veniat ad sermonem Episcopi, vel Inquisitoris in causa fidei faciendum, & quod habebunt indulgentiam consuetam.

Prouideat etiam Inquisitor, quod interim faciat fieri unam vestem habentem duas pecias ante, & retro ad modum scapularis religiosorum, sine capucio tamen, in qua sint duae cruces de pano croceo, uno ante, & alia retro, longitudine trium palmorum, & latitudine duorum, facientque parari locum, seu sedem in alto in populi medio, ut stet abiurandus taliter, quod a populo videatur.

Adueniente autem die praefixa, & facto sermone per Episcopum, vel Inquisitorem, legentur culpe publice ipsius abiurandi per notarium, vel religiosum, vel clericum aliquem; propter quas abiurandus est suspectus habitus de haeresi violenter.

Quo facto dicetur sibi sic per Episcopum, vel Inquisitorem: Fili, ex his quae recitata sunt te commisisse, nos te habemus suspectum de haeresi violenter, propter quae de iure tu es ut haereticus condemnandus; Consideres ergo, & attendas quae dicam tibi: si tu vis ab huiusmodi haeresi, vel haeresibus sic resilire, quod velis eas hic nunc publice abiurare, & poenitentiam, quam tibi iniungemus patienter sustinere, Ecclesia, & Nos tanquam Vicarij Christi, recipiemus te ad misericordiam; sed iniungemus tibi poenitentiam, quam bene poteris tolerare, & absoluemus te a sententia excommunicationis, qua teneris inuolutus, & poteris saluus fieri, & habebis gloriam in futurum. Si autem nolueris abiurare, nec poenitentiam sustinere, statim trademus te brachio saeculari, & infirmul perdes animam, & corpus. Quid igitur vis, abiurare, & saluari; vel renuis abiurare, & damnaberis? Si dixerit, nolo abiurare, & in hoc steterit; tunc tradetur curiae saeculari per modum infra expressatum in decimo modo processum fidei terminandi. Si autem dixerit quod vult, ponetur liber Euangeliorum apertus coram eo, & abiurabit omnem haeresim per modum, qui sequitur.

Forma abiurandi omnem haeresim generaliter, ab eo qui est suspectus habitus de haeresi violenter.

176 **E**GO talis, de tali loco, talis diocesis, in iudicio personaliter constitutus coram vobis venerabilibus dominis N. Episcopo talis ciuitatis, & fratre N. Inquisitore haereticarum prauitatis in terris talis domini, a sancta Sede Apostolica specialiter delegato, sacrosanctis Euangelij positus coram me, etque proprijs manibus corporaliter per me tactis, iuro me credere corde, & profiteor ore, illam sanctam fidem catholicam, & Apostolicam quam sacrosancta Romana Ecclesia tenet, profiteor, credit, praedicat, atque docet; & consequenter abiuro, abnego, & reuoco omnem haeresim ex-

Suspectus violenter abiurat generaliter omnem haeresim.

A tollere se aduersus sanctam Romanam, & Apostolicam Ecclesiam, cuiuscumque secta fuerit, vel erroris. Item, iuro me credere corde, & profiteor ore, quod sic, & sic, explicetur articulus catholicus, contrarius illi haeresi, de qua ipse qui abiurat, est suspectus habitus violenter: ut verbi gratia, si est suspectus habitus de uirginitate Beatae Mariae Matris Domini Nostri Iesu Christi, dicit sic.

Item iuro, me credere corde, & profiteor ore, quod gloriosa Beata Maria Mater Domini Nostri Iesu Christi fuit toto tempore vitae suae semper uirgo, ante partum, & in partu, & post partum; & consequenter abnego, reuoco, & abiuro illam nefandissimam haeresim, quae falso, ac mendaciter asseuerat, quod mater Domini Nostri Iesu Christi aliquando non fuit uirgo, sed quod ante partum, in partu, vel post partum fuit corrupta, & amisit uirginitatem, de qua haeresi sum vobis dominis praedictis suspectus habitus violenter: Et si de pluribus haeresibus est suspectus habitus, non tantum de una, abiurabit quemlibet articulum singillatim per modum statim dictionum.

Item iuro, quod nunquam praedicta haeresi, seu haeresibus adhaesi, nec adhaereo de praesenti, nec credidi, nec credo; licet propter culpam meam, & his, quae male egi, vos me habeatis, & merito suspectum de huiusmodi haeresi, seu haeresibus, quod illi, seu illis crediderim corde firmo.

Item, iuro, & promitto, quod praedictam haeresim nunquam dogmatizabo, nec praedicabo, nec docebo: immo si vnquam seuero aliquem, qui illa haeresi sit infectus, teneat seu doceat, vel aliam qualemcumque, quod vobis dominis Episcopo, & Inquisitori, seu alicui vestrum seu vestris Vicarijs, vel alteri eorum vel successoribus vestris, citius quam commodè potero, denuntiabo.

Item iuro, & promitto, quod talia, & talia, exprimitur illa, quae egi seu dixi, propter quae ex culpa mea habetis me suspectum de dicta haeresi violenter, deinceps nunquam faciam, vel dicam; nec quod fiant, operam dabo.

Item iuro, & promitto, quod omnem poenitentiam, quam mihi iniungere volueritis pro praedictis, pro viribus adimplebo, nec contrarium in aliquo: sic me Deus adiuuet, & ista Euangelia sacrosancta. Quod si contra abiurata vel iurata fecero in futurum, diabolo instigante (quod Deus auertat) penis de iure relapsis debitis, nunc pro tunc me obligo, & adstringo, quatenus illis feratis, cum legitime constiterit me contrafecisse.

E Sit cautus notarius, quod inferibat in actis, quod dicta abiuratio est facta per talem tantum per habitum suspectum de haeresi violenter, & ut probaretur abiurans relapsus iudicaretur, & ut talis traderetur brachio saeculari.

Praedicta abiuratio fiat (ut dictum est alias) in vulgari, ut à vulgaribus capiatur, nisi fieret tantum coram personis ecclesiasticis, & ipse abiurans latinum intelligeret competenter, tunc enim posset fieri in secreto, hoc est, in camera Episcopi, vel Inquisitoris, seu in palatio Episcopi, vel Capitulo canonicorum, vel Fratrum religiosorum, in illa

minus per modum prahabitum abiurabit.

177 Facta autem prædicta abiuratione, Inquisitor statim ibi publicè poterit abiuratum informare per hæc verba, vel similia in effectu: Charissime, tu hæreses, de quibus habebaris merito suspectus violenter, vt debuisti, in forma consueta Ecclesiæ abiurasti: & in hoc bene fecisti; cauteas tamen tibi quod non facias contra antedictam a te factam abiurationem, incidendo in aliquam hæresim qualemcunque generaliter, seu alias: nam scias de certo, quod (sicut te obligasti) sine vlla misericordia traderis brachio seculari, vltimo supplicio ferendus: quare consulo quòd sis cautus.

Quibus sic actis, absoluat eum a sententia excommunicationis, de qua est suspectus habitus violenter, quod incidit in hæresibus supradictis vnde sicut hæreticus, cum redit, & abiurat, est a sententia excommunicationis absolendus: quia omnis hæreticus est excommunicatus, iuxta cap. Excommunicamus, 1. & 2. de hæret. & etiã iuxta c. Ad abolendam. in principio: Sic talis, de quo agitur, cum sit vt hæreticus condemnandus, vt dictum est prius, postquam abiuraent, est ab excommunicationis sententia absolendus: absoluetur ergo per hunc modum.

Forma absoluedi ab excommunicatione.

178 **N**A M dicetur Psalmus; Deus misereatur nostri, vel alius; quo dicto addetur, Kyrie elei. Christe elei. Kyrie elei. Pater noster. Et ne nos inducas, &c. Saluum fac seruum tuum, &c. Dominus vobiscum, &c.

Oremus.

PRÆTENDE Domine famulo tuo dexteram caelestis auxiliij, vt te toto corde perquirat, & qua digne postulat, assequatur.

Oremus.

PRÆSTA quaesumus Domine huic famulo tuo dignum penitentia fructum, vt Ecclesiæ tuæ sanctæ, a cuius integritate fidei denauerat, delinquendo, dono tua gratia reformetur. Per Christum dominum nostrum. Amen. Et post addat sic: Ego auctoritate Apostolica, qua fungor in hac parte, absoluo te a sententia excommunicationis maioris, qua fueras innodatus, pro eo quia talia contra fidem commisisti, propter quæ habitus fuisti suspectus de hæresi violenter, & restituo te Sacramentis Ecclesiæ. In nomine Patris, & Filij, & Spiritus sancti Amen.

Et si fuerat citatus responsurus de fide, & quia venerat contumaciter comparere, fuerat excommunicationis vinculo innodatus, in qua steterat per annum animo pertinaci, & propter hoc vt suspectus de hæresi violenter, & vt hæreticus condemnandus ab ista excommunicatione absoluetur in speciali, qua fuit sententia hominis, & non iuris, dicendo sic: Ego auctoritate Apostolica, qua fungor in hac parte, absoluo te a vinculo excommunicationis maioris, qua per me fueras innodatus, pro eo quia citatus legitime responsurus de fide, reuenter contumaciter comparere: & restituo te sacra

A mentis Ecclesiæ. In nomine Patris, &c.

Qua absolutione facta seretur sententia seu penitentia per modum tenoris sequentis.

Forma ferendi sententiam, siue iniungendi penitentiam ei, qui fuit habitus suspectus de hæresi violenter.

NOs N. Episcopus talis ciuitatis, & Frater N. Inquisitor hæreticæ prauitatis, in terris talis domini, a sancta sede Apostolica specialiter delegatus.

ATTENDENTES, quod tu talis de tali loco, talis diocesis, fuisti nobis delatus de talibus, & talibus, fidem sanctam tangentibus, exprimitur illa, & quod nos processimus ad informandum nos super illis, vt iustitia suadebat, & meritum processus diligenter examinatis, & omnibus actis, & actibus in causa præsentis, inuenimus te talia, & talia commisisse, exprimitur illa: Ea propter, & nõ immerito de tali hæresi, exprimitur illa, te suspectum violenter habentes, fecimus te vt taliter suspectum omnem hæresim generaliter, publice abiurare, prout nobis mandant canonicae

sanctiones. † Sane cum secundum eadem canonica instituta omnis talis sit vt hæreticus condemnandus, & tu saniori consilio in hærendo, & ad gremium sanctæ matris Ecclesiæ redeundo, abiuraueris, vt præmittitur omnem hæreticam prauitatem: propter quod absoluius te a sententia excommunicationis, qua vt obnoxius Dei Ecclesiæ astrictus merito tenebaris, si tamen de corde vero, & fide non ficta reuerfus es ad Ecclesiæ unitatem; idcirco deinceps inter penitentes computaberis, ad misericordiæ sinum te sacrosancta Ecclesia recipiente de præsentis. Verum quia indignum valde existit offensas diuinas † conuenientibus oculis impunitas pertransire, & iniurias hominum castigare: cum grauius sit diuinam quam humanam lædere maiestatem: & ne finita crimina incenitium existant alijs delinquendi, & vt tu efficiaris cautior in futurum, ac minus procliuus reddaris in posterum ad prædicta seu similia committenda, & vt in futuro sæculo leuius patiaris: Nos Episcopus, & Inquisitor præfati præhabito in & super his sano ac maturo consilio peritorum; sedentes pro tribunali more iudicum iudicantium, habentes præ oculis solum Deum, & sanctæ fidei irrefragabilem veritatem, sacrosanctis Euangelij positus coram nobis; vt de vultu Dei iudicium nostrum prodeat, & oculi nostri videant æquitatem, te talem in nostra præsentia personaliter constitutum, hac die & hora tibi in antea assignatis, sententialiter per modum, qui sequitur condemnamus, seu potius penitentiamus.

D **E** **V**estis penitentialis. In primis quod statim induaris super omnes vestes, quas defers, veste liuida, ad modum scapularis monachi sine capucio facta, ante & retro habente cruce de panno croceo lōitudinis trium palmorum, & lautudinis duorum: quam vestē deferre habeas super omnes vestes alias p

Ii tantum

† c. Excommunicamus, 1. §. qui autē. & c. Cū contumacia. de hære. li. 6.

† c. Vergentis. de hæ. ct.

Vestis penitentialis.